



Tusagassiuutitigut nalunaarut

ULLOQ/ DATO

07-11-2017

J. NR.

01.02.03

ALL. NR./BREV-NR.

15.01.816

Kommune Kujalliup aningaasaqarnikkut unammillikkani anigussavai

Kommune Kujallermi Kommunalbestyrelsip 2018-mut missingersuusiani piffissami matumani inissitileruttorpaa. Naak massa missingersuut Kommunalbestyrelsip inaarutaasumik suli aalajangersaaffiginngikkaluaraa taamaammallu piffissap imaalinerani suliassa qarfiit ataasiakkaat pulaterfigiuminaakkaluartut, kommunip aningaasatigut killiffia paasisaqarfigiumallugu nunatsinni tusagassiorfinnit sulianik takunnissinnaatitaanermik noqqaassutit arlaqartut innersuussutigalugit matumuuna ukioq manna kommunip aningaasatigut ingerlatsinera pillugu paasissutissanik saqqummiussissallunga aalajangerpunga.

2017-mi kommune annertuumik aningaasatigut unammilligassaqaarsimavoq, pingaartumik isumaginninnerup iluani aningaasartuutit qaffariangaatsiarsimammata, tamanna pivoq sulisut amerleriaateqangaatsiartinneqarnerisa tamatumalu malitsigisaanik isumaginnittoqarfiup iluani sullissinerup eqaannerulerlunilu sukkatsisinneqarnerata kingunerisaanik.

Pingaartumik meeqqanut inuusuttunullu ulloq unnuarlu angerlarsimaffinnut aningaasartuutit qaffariangaatsiarsimapput, aningaasaliissutinut sanilliullugu naatsorsuutigineqarluni 13 mio. koruunit tungaanut qaangiisoqassasoq, tamannalu isumaqarpoq aningaasaliissutinik 65%-mik qaangiisoqassasoq.

Ukiup qaammataani kingullerni ulloq unnuarlu angerlarsimaffinnut inissiisariaqarnerit ikileriaateqassasut naatsorsuutiginningsigu, pissutsit qanoq innerat najoqqutaralugu qisuariarpugut, taamaalillutalu aningaasatigut ingerlatsinerput unammilligassamut naleqqussarniarsimallutigu. Aningaasaqassuserli isigalugu kommune ajornartorsiummut pineqartumut qaangiisinnaalluurtut inissisimavoq, tamannalu naammagisimaarpara.

Aningaasaqarnermut ataatsimiititaliaq august 2017-ip qiteqqunnerani ilisimatinneqarmat, isumaginnittoqarfik aningaasaliissutaasunik qaangiingaatsiartussanngortoq, ingerlaannaq qisuariarpugut iliuuseqarlutalu taamaalillutalu kommunip ingerlatsivii tamaasa, innuttaasunik kiffartuussineq ajorseriaateqartingikkaluarlugu sutigut sipaarniarsinnaanersut misisissuisitsilluta.





Taamatutaaq kommunip tungaanit sulissutigineqarpoq meeqqanut inuusuttunullu aningaasaliissutit sapinngisamik pitsaanerpaamik atorluarlugit paaqqinninnissamut periarfissat inerisarneqarnera, tamannalu pivoq angajoqqaarsiaasartut atorluarneqarnissaat siunertaralugu periarfissanik annertusinikkut aammalu kommunip nammineq isumagisaanik ulloq unnuarlu angerlarsimaffimmik pilersitsinikkut. Taamaattorli sallerpaatillugulu pingaarnerpaatipparput meeqqat inuusuttullu ilaqtaminniiginnarsinnaanissaat, taamaattorli allatut iliorsinnaajunnaarnermi, meeqqap illersorneqarnissaa pillugu, angerlarsimaffiup avataanut inissiisariaqartarnerput avaqqunneqarsinnaasannngilaq.

Taamaakkaluartoq isumalluarpunga, isumaqarluinnarpungalu 2018-mut missingersuummi inaarutaasumi politikkikkut anguniakkat siunissamut sammisut aningaasaliiffiginissaannut inissaqartitsilluarumaartugut.



Inussiarnersumik inuulluaqqusillunga

Kiista P. Isaksen (S)
Borgmesteri

